



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

L. De eligendis in Priores Titulares Monachorum S. Hieronymi Lombardiæ.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

L. Statuitur, ut soli Exprocurator Gen., & Lectores Theologiæ Monachorum S. Hieronymi Lombardiæ eligi possint in Priores Titulares.

Id concessum fuit Lectoribus Const. ed. 1694. Apr. 3. P. 3. Et postea Const. sequenti præscriptum fuit tempus pro Superioribus eligendis.

Die 15. Jan. 1695. An. 4.

INNOCENTIUS PAPA XII.

Ad perpetuam rei memoriam.

Exordium.

Solicitude Pastoralis officii, quo Ecclesiæ Catholicæ regimini divina dispositione præfideamus, Nos admonet, ut paternam Congregationum virorum Religiosorum uberes bonorum operum fructus adspirante superni favoris auxilio proferre jugiter satagentium curam gerentes, illarum quieti, & salubri directioni, quantum Nobis ex alto conceditur, consulere studeamus.

Id Exprocuratoribus concessum fuerat a Clem. X.

§. 1. Exponi siquidem Nobis nuper fecit dilectus filius Procurator Generalis Congregationis Monachorum Eremitarum Sancti Hieronymi Lombardiæ, quod alias fel. record. Clemens PP. X. prædecessor noster per quasdam suas in simili forma Brevis expeditas literas concessit, & ordinavit, ut Monachi Congregationis præfate, qui Procuratoris Generalis ipsius Congregationis officium laudabiliter exercuissent, absoluto officio hujusmodi, Priores Titulares vocem activam, & passivam in Capitulo Generali dictæ Congregationis haberent, & capaces essent, ut ad Generalatum eligerentur, aliisque pluribus, & quidem singularibus privilegiis fruerebantur, postmodum vero per quoddam Decretum in Capitulo Generali ejusdem Congregationis editum, & a Congregatione tunc existentium S. R. E. Cardinalium negotiis, & consultationibus Episcoporum, & Regularium præposita approbatum hæc omnia dictæ Congregationis Monachis Sacræ Theologiæ Lectoribus, qui duodecim annis continuis legissent, & duodecim Cathedras laudabiliter itidem sustinuisent similiter concessa fuerunt, idque ea ratione factum fuit, ut juvenes his sibi propositis præmiis ad sacrarum literarum studia amplectenda, & prosequenda alacriores redderentur.

Et postea Lectoribus a Congregatione.

Causa præd. Statuti.

§. 2. Cum autem sicut eadem expositio subjungebat, desiderium assequendi Prioratum titulare hujusmodi qui ratione privilegiorum perpetuorum ei annexorum magis conspicuus, quam ipsemet Prioratus Regiminis factus est, plerisque alios ejusdem Congregationis Monachos prænaratis Exprocuratorum Generalium sive Lectorum qualitibus destitutos, ad illum sibi aliorum meritum prætextu a dicta Congregatione Cardinalium, procurandum excitaverit, & in dies excitet, inde vero fieri possit, ut Priorum titularium hujusmodi numerus brevi temporis spatio numerum Priorum Regiminis superet, & sic vocem in Capitulis Generalibus habentium numerus, qui juxta Constitutiones absque speciali hujus Sanctæ Sedis Indulto augeri nequit, semper magis multiplicetur, gravesque insuper confusiones in eisdem Capitulis Generalibus oriri possint. Nobis propterea dictus Procurator Generalis humiliter supplicari fecit, ut in præmissis opportune providere, & ut infra indulgere de benignitate Apostolica dignemur.

Preces Procuratoris Gener.

§. 3. Nos igitur ipsius Procuratoris Generalis votis hæc in re quantum cum Domino possumus, favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis

occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, hujusmodi supplicationibus inclinati, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum consilio, ut de cætero nullus dictæ Congregationis Monachus, nisi, qui Procuratoris Generalis ipsius Congregationis officium laudabiliter exercuerit, aut Sacræ Theologiæ Lector fuerit, ac duodecim annis continuis legarit, necnon duodecim Cathedras laudabiliter itidem sustinuerit, ut præfertur, quorumvis assessorum meritum, aliove quolibet titulo, colore, seu prætextu in Priorem titulare assumi, seu recipi unquam possit, auctoritate Apostolica tenore præsentium perpetuo statuimus, & ordinamus.

Statutum ne alius Monachus a prædictis promotus ad Prioratum Titularem.

Clausula.

§. 4. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & pro tempore quandocumque spectabit inviolabiliter observari: Sicut in præmissis per quoscumque Judices Ordinarios, & Delegatos, etiam causarum Camerae Apostolicæ Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus præmissis, ac Constitutionibus, & Ordinationibus Apostolicis, ac quatenus opus sit dictæ Congregationis, illiusque Monasteriorum, etiam juramento, confirmatione Apostolica, vel quavis firmitate alia roboratis Statutis, & consuetudinibus; Privilegiis quoque, Indultis, & Literis Apostolicis in contrarium præmissorum quomodolibet concessis, confirmatis & innovatis. Quibus omnibus, & singulis, illorum tenores præsentibus, pro plene, & sufficienter expressis, ac ad verbum insertis habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 6. Volumus autem, ut earundem præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum habeatur, quæ ipsis præsentibus haberetur si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die XV. Januarii MDCXCV., Pontificatus nostri Anno Quarto.

Statuitur, ut nullus Monachus S. Hieronymi Lombardiæ eligi possit in Superiorem ante annum 36.

LI.

De Prioribus titularibus agitur Constitutione præcedenti. Et Const. ed. 1698. Oct. 18. P. 8. de Electione Generalis in, & extra Capitulum.

INNOCENTIUS PAPA XII.

Ad futuram rei memoriam.

Exponi nobis nuper fecerunt dilecti filii Sigismundus Politius Abbas Generalis, & moderni Consultores Congregationis Monachorum Eremitarum S. Hieronymi Lombardiæ, quod eidem Congregationi gravissimæ obveniunt inquietudines ex Monachorum Juvenum ambitu, qui professione regulari vix emissa, Latorum sæpe, sive etiam Ecclesiasticorum Principum commendationibus adjuti in superiores eligi satagunt, & quandoque etiam iis, ad quos

Tempus vide infra.

Causæ hujus Constitutæ.

speçtat.